

傷寒緒論卷下

長洲石頑張 璐路玉父纂述

發熱

發熱多屬表證。傷寒寒鬱肌表。則腠理閉密。故翕翕發熱。捫之烙手。當以脈之浮緊浮緩。證之無汗有汗。分風寒營衛施治。若汗不得出而煩躁者。營衛俱傷。陽邪內擾也。大青龍湯。若尺中無力者。此為本虛。小建中湯加減。○凡服表藥三劑。汗不出。熱不止者死。然有陽微不能作汗者。可用再造散。或黃耆建中加附子。血虛加芎歸。始能作汗。此皆冬月發表藥也。若汗下後惡寒脈弱。大便不結者。屬虛。宜溫補助陽為主。○寒邪傳裏而變熱。則蒸蒸發熱。此即本身中元氣為寒所鬱。不得泄而化為火也。若裏證具而表證未已者。大柴胡湯。表證既罷而裏證已急者。三承氣湯選用。○三陰經寒證。太陰厥陰俱不發熱。惟少陰病有反發熱脈沉者。此非傳經。乃直中少陰。而仍兼太陽。故能發熱也。○春分以後。雖感寒邪。皆為非時暴寒。不必拘於傷寒例治。古人治感冒諸方。如芎蘇神朮等。皆不分三陽經藥。以時屬少陽風木。不獨太陽寒水也。○夏月汗府疎豁。偶感微寒發熱。必心包先受。消暑十全證也。○秋涼發熱欬嗽。宜金沸草散。甚則小青龍湯。若交霜降節後。即屬正傷寒矣。○其或冬時過暖。而病發熱心煩咽痛。或自利者。為冬溫。

傷寒緒論

卷下發熱 煩痛

跋

古之名於醫者。皆聖賢倜儻之士。胸具過人之識。故可以參化育濟生民。著至教於天壤間。而垂不朽之業。洵非流俗所能希及也。後人無前賢之實學。奢望前賢之聞譽。乃日趨於智巧便佞。而適人情。觀軒岐仲景之書。高不足以得名。卑不足以贖身。編塵簡蠹束而埋諸廢籍之中。吾大人傷之。時有混類之悲。以語倬曰。自今已往。醫術日以工。而醫道日以晦矣。然學道者博而寡約。勞而鮮功。何哉。其患在於習之。不精。知之不明。行而不得其道。入而不得其門。由是取仲景原文。鉉次作註。採先哲格言。補輯成章。勒成續緒二論。皆別出手眼。言必中累世之謬。其遊辭以見奇。支辭以觀美者。無一語焉。本欲藏之篋笥。爲一家之學。詎意同人互引。日費鈔騰。因復稍加裁酌。命倬整理付梓。以流演聖賢之一脉。而傷寒之道益研窮焉。禮云。藏焉修焉。息焉遊焉。大人有焉。詩云。好樂無荒。良士瞿瞿。余小子敢不勉焉。勇倬百拜謹述。

傷寒緒論卷下

長洲石頑張 璐路玉父纂述

發熱

發熱多屬表證。傷寒寒鬱肌表。則腠理閉密。故翕翕發熱。捫之烙手。當以脈之浮緊浮緩。證之無汗有汗。分風寒營衛施治。若汗不得出而煩躁者。營衛俱傷。陽邪內擾也。大青龍湯。若尺中無力者。此為本虛。小建中湯加減。○凡服表藥三劑。汗不出。熱不止者死。然有陽微不能作汗者。可用再造散。或黃耆建中加附子。血虛加芎歸。始能作汗。此皆冬月發表藥也。若汗下後惡寒脈弱。大便不結者。屬虛。宜溫補助陽為主。○寒邪傳裏而變熱。則蒸蒸發熱。此即本身中元氣為寒所鬱。不得泄而化為火也。若裏證具而表證未已者。大柴胡湯。表證既罷而裏證已急者。三承氣湯選用。○三陰經寒證。太陰厥陰俱不發熱。惟少陰病有反發熱脈沉者。此非傳經。乃直中少陰。而仍兼太陽。故能發熱也。○春分以後。雖感寒邪。皆為非時暴寒。不必拘於傷寒例治。古人治感冒諸方。如芎蘇神朮等。皆不分三陽經藥。以時屬少陽風木。不獨太陽寒水也。○夏月汗府疎豁。偶感微寒發熱。必心包先受。消暑十全證也。○秋涼發熱欬嗽。宜金沸草散。甚則小青龍湯。若交霜降節後。即屬正傷寒矣。○其或冬時過暖。而病發熱心煩咽痛。或自利者。為冬溫。

傷寒緒論

卷下發熱 煩痛

陽旦湯證也。○凡春時發熱頭疼煩渴飲水爲伏氣發溫。○春夏發熱而脈大無力爲夾內傷。○發熱而脈細小或虛足脛逆冷而陽縮入腹者爲夾陰。○發熱脈沉小或短澀而足冷陽縮兼腹滿或痛爲食鬱。雖夏月不妨用薑桂使溫煖之氣助其陽和并食亦得消散。雖有表證慎不可純用表劑升其虛陽亦不可過用消導引邪內犯。○有食積發熱則胸脇煩熱熱則顛脹復有瘀血發熱則脇下或少腹痛不可抑。又有陰虛發熱必夜熱晨涼若瘡瘍初起發熱必有痛處並不可誤施汗劑。○其脈陰陽俱虛熱不止大汗後身愈熱下利煩躁熱不止汗下後大熱脈躁亂者皆不可治也。

孫兆治一道士發熱汗出驚眩身戰掉欲擗地有欲發汗者有欲作中風治者有欲以涼藥解之者孫曰此太陽經欲解腎氣虛不能作汗所以心悸目眩身戰與真武湯三服微汗而解。

頭痛

昔人以頭痛專主太陽殊不知三陽經各有部分如太陽頭痛自腦後上至巔頂下有項強腰脊痛之異以太陽經脈行身之後也。當辨中風傷寒汗之。○汗後頭痛如破此轉屬陽明也。○風火相煽頭痛如破諸藥不効愈表愈痛痛連眉稜者選奇湯證也。○陽明頭痛上連目珠痛在額前兼鼻孔乾下有身熱不眠之分以陽明經脈行身之前也。○少陽頭痛上至兩角下有耳聾脇痛之殊以少陽經脈行身之側也。

○三時感冒。皆有頭痛。當從芎蘇香蘇輩選用。○三陰經至頸而還。惟厥陰之脈上顛與督脈會。故有頭痛。上則顛頂收引。頭角下有脈沉弦細。手足厥冷。此爲在經。當歸四逆湯。若在裏則乾嘔吐涎沫。頭痛。吳茱萸湯。○太陽中濕。則上有鼻塞吐痰。下有腹滿自利。○少陰中寒。上則入連腦齒。下則煩躁爪甲青。此眞頭痛。不治。○陽明熱蒸頭痛。必小便黃赤而短數。謂胃承氣湯。○太陽脈沉。身熱頭痛。爲來陰。黃耆建中湯。若誤汗不差者。四逆湯溫之。○太陽證下之。頭痛未除。脣寒面青。指頭微厥。復發熱者。爲表邪內陷於陰分。雖頭痛發熱。不可用表藥。宜竹葉石膏湯。○冬溫發熱頭痛。心煩咽痛自利。陽旦湯。○溫病熱病時行疫癘。初起頭痛。皆不可用表藥。宜黃芩白虎加蔥豉。或葛根蔥白湯以治外。涼膈雙解達原承氣加蔥豉薑棗。合內外而治之。裏氣一通。頭痛自愈。○內傷火炎。新產血虛。皆有頭痛。但時痛時止。而無腦後痛者。蓋火炎則痛自兩角。血虛則痛連魚尾。以其自內達外。故必行少陽部分。是以頭痛見兩角者。則有少陽風熱與虛火之別。若見額前者。亦有陽明與食積之殊。其見腦後者。必太陽外感無疑也。

頭重

濁陰寒濕之邪。上千清陽之位。故使頭重。○頭重惡寒。項強不能舉者。屬太陽。汗之則愈。○若陰陽易。頭重眼中生花者。逍遙湯下燒裊散。○若眩暈而頭重不能舉者。此雖夾痰。亦屬氣虛。導痰六君選用。

頭脹

頭脹者。氣虛火炎也。冬溫風溫病熱病時行中暍中暑。多有頭重脹痛。皆是濕熱火氣內燔。慎不可用發散藥。如冬溫陽旦湯。風溫薤白湯。溫病黃芩湯。熱病時行中暍白虎湯。中暑清暑益氣湯。此皆傷寒家切務。其他濕熱痰飲食積。疰夏等。俱有頭重脹痛。乃屬雜證。此不復贅。

項強

太陽之脈。從頭下項。連風府。故項強為太陽表證。然項強八。如凍烏縮頸。欲伸而不能自如者。此胃氣不得上升。乃邪將犯陽明之候。若汗出惡風者。桂枝加葛根湯。無汗惡風者。葛根湯。○項強連脇下滿身熱惡風。手足溫而渴者。為邪干少陽。小柴胡湯。乃知項強多兼陽明少陽。不可執認太陽也。○又結胸證。項強如柔痙狀。此裏實證。以背為胸之府。背強項亦強也。急下之。○天行時氣發熱。至晚則腰脊痛。頭項強身重。輕則涼膈。重則雙解。並加葱白香豉。○寒濕項強發痙。及過汗經虛生風發痙。與陰毒項強。治法詳總論中。

惡風

傷風惡風。見風則怯。密室之中則不惡也。蓋風為陽邪。必傷衛氣。衛虛則腠理疎而自汗。汗去則脈浮緩。



也是以桂枝湯專主自汗發熱惡風之證。然寒傷營亦有惡風無汗而喘者。蓋惡寒則有陰陽之異。惡風悉屬於陽。故惡風未罷者。必當先解其外也。○若發汗太過。衛虛亡陽。遂漏不止。惡風。桂枝加附子湯。○風濕熱病。寒疫內傷惡風。詳總論中。

惡寒

傷寒惡寒。雖身居密室。猶自憎寒拘急。甚則寒慄鼓頤。向火不能遏其寒。非若寒熱之惡寒。熱至則不惡也。如已發熱。則身熱不欲去衣。由陰氣上入陽中。或陽微。或風虛相搏所致。惡寒一切屬表。雖裏證悉具。而微惡寒者。猶當解表。俟惡寒已。乃可攻裏。故先惡寒而發熱者。爲外惡寒。爲陽病。在陽宜發汗。然尺中遲弱者。慎不可汗。當用黃耆建中湯。○若太陽證犯本。惡寒發熱未除。渴而小便不利者。五苓散。先服一半。探吐之。發汗後惡寒爲虛。芍藥甘草附子湯溫之。○若下利惡寒。手足溫者。陽邪內陷於太陰之經也。小建中湯。○下證悉具而微惡寒。及下利惡寒。時時自煩者。爲陽邪內伏。並宜大柴胡湯。○結胸證微惡寒者。必先用桂枝湯解表。然後用陷胸湯下之。若表不解而便攻之。表邪復結。其證必危。故結胸有一毫惡寒。不可下也。○若初起惡寒。蹠臥脈沉者。爲內惡寒。爲陰病。在陰則宜溫。雖夏月亦須薑附。輕則理中。重則四逆。若當盛暑。須參大順。冷香漿水等治之。○少陰病。惡寒身蹠而利。手足厥冷。煩躁脈不至。及四

逆惡寒。不煩而躁。皆死證也。○經曰。發熱惡寒發於陽。無熱惡寒發於陰。尙何疑哉。○溫熱時行惡寒。詳總論本例中。

石頑治玉峯陸去非繼室。嘉平患惡寒。周身骨節皆疼。飲食不入者已三日。而惡寒未止。全不發熱。診其六脈悉緊而細。詢之平日起居。飲食絕少。雖暑月不離複衣。知其素稟虛寒而不能發熱。洵爲太陽寒傷營證無疑。但從來極虛感寒。無正發汗之理。乃以黃耆建中製生附汁於耆內。以助衛氣。一服肢體卽溫。但背猶畏寒不止。更與補中益氣十全大補。並加熟附而安。

背惡寒

人身背爲陽。背惡寒者。陽虛之驗也。然陽氣內陷。亦有此證。是以背惡寒有陰陽之異。若風寒在表。則一身盡寒矣。但背惡寒者。陰寒氣盛可知。以陰氣不能消耗津液。故少陰病二三日。口中和背惡寒者。宜附子湯及灸氣海。○熱病初起。口燥心煩。而背微惡寒者。此陽氣內伏於陰中。肌表之陽不勝邪。及陽明中膈。俱有是證。以陽邪內消津液。故煩渴引飲。並宜白虎加人參湯。若誤認陽虛而用溫藥。必致斑爛不救也。故曰口中渴。知其內有熱。口中和。知其內有寒。此理皎然矣。○勞役內傷背惡寒者。必寒一陣。止一陣。爲陽虛內熱。東垣升陽散火湯。○又濕痰證亦背惡寒。必肢體重痛。導痰湯加減。○若寒熱屢作而背惡

寒脈來弦數。身有痛處者。爲發癰疽之候。

寒熱

傷寒寒熱往來者。邪正分爭也。表邪欲入。而正氣拒格。陰陽相勝而作也。然寒熱往來與寒熱如瘧不同。如瘧則作止有時。往來則作止無時。有日二三發者。傷寒寒熱往來。雖專屬少陽經。亦有兼太陽陽明者。邪居表多則多寒。邪居裏多則多熱。然治法專用小柴胡湯。隨證加減。寒多增桂枝。熱多倍柴胡。加芍藥。寒多而脈虛。去苓加熟附。熱多而脈實。去參用大黃。○凡少陽證。必先與小柴胡湯和之。服後不解。若其脈反浮者。當與柴胡桂枝湯。使其邪從表而散。若脈加數者。當與大柴胡湯。使其邪從裏而去也。○有元氣衰弱之人。素挾痰鬱。略有動作勞傷。則憎寒發熱。有似傷寒。其脈弦數無力。腋下及臂或脰縫中有核腫痛者。謂之勞發。切勿汗下。宜補中益氣加降火清痰藥。輕者周時微汗自解。

如瘧

如瘧者。作止有時。非若寒熱往來之無定也。病二三日。寒熱往來有時而作。脈浮洪者。此太陽似瘧也。若熱多寒少。尺脈遲爲血少也。○若日晡時作。汗出而煩。脈實者。此陽明似瘧也。○陽明少陽合病。日晡寒熱如瘧者。大柴胡湯。○若六七日發熱惡寒。舌不短囊不縮。脈浮緩者。此厥陰似瘧也。爲欲愈。小柴胡湯。

加桂枝。○大率往來寒熱不離少陽。不拘日數多少。邪氣淺深。及婦人熱入血室。並宜小柴胡湯加減。○太陽病八九日如瘧狀。一日三度發。爲欲愈。

潮熱

陽明旺於未申。故日晡潮熱。一日一發。如潮信然。傷寒邪入陽明胃府。爲邪熱內結。故可用承氣攻裏。凡欲攻裏。須病人脈實有力。再當審臍下有鞭滿結痛處。及問平昔有無動氣。量輕重施治。○發於寅卯者。屬少陽。發於巳午者。屬太陽。皆不可下。俟表證已。方可攻之。○潮熱而嘔。胸脇滿。盜汗出者。不可下。柴胡桂枝湯。○潮熱而脇下汗出。爲臍實。大柴胡湯。手足心汗出者。爲胃實。大承氣湯。二處無汗。爲結未實。尙宜小柴胡和解。俟結定攻之。

無汗

風暑濕三者干人。皆衛氣受病。惟寒則營血受傷。腠理緻密。津液內滲。陽邪有餘。故身熱無汗而喘也。蓋邪氣在表。熏蒸腠理。則汗出。今邪不外蒸。必傳入裏。急用麻黃湯汗之。若惡風項强者。葛根湯。緣邪漸次入陽明經也。○陽明病無汗。小便不利。懊憹者。必發黃。若渴欲飲水。小便不利。無汗者。爲犯本。俱宜五苓散。有飲水內畜而無汗。桂枝去桂加茯苓白朮湯。○有脈遲無陽。不能作汗者。桂枝麻黃各半湯。○若溫

熱病無汗。黃芩白虎三黃石膏選用。熱病發狂。有汗者生。無汗者死。○成無己言。三陰爲病。不得有汗。朱
奉議亦云。三陰與陰陽易皆無汗。而仲景厥陰例中。大汗出。熱不去。內拘急。四肢疼。下利厥逆而惡寒者。
四逆湯主之。又陰毒則額上及手背冷汗不止。爲亡陽將脫之兆。素問云。陰氣有餘。爲多汗身寒。由是言
之。則三陰不宜有汗。非三陰皆無汗也。

自汗

太陽中風。不由發表而汗泄。謂之自汗。以風傷衛。則表虛不能自固而汗。故用桂枝湯散邪以實衛也。然
濕氣傷於脾。暑氣傷於心。皆令自汗。惟冬月寒傷營。則發熱無汗。若始本無汗。四五日後。忽然自汗出。此
寒邪傳裏而變熱。知邪已入府矣。凡傷風則惡風自汗。頭痛發熱。若裏證自汗。必煩躁惡熱。不惡風寒。迥
乎不侔也。○又太陽經邪犯本。則汗出而渴。小便難。○陽明經證。則頭目痛。眉稜骨疼。而自汗。○陽明府
證。則腹滿自汗。當詳審治之。○有汗後惡寒。汗不止爲表虛。黃耆建中湯并用溫粉撲之。○有汗多亡陽
不止者。桂枝附子湯。小便少者加茯苓。○若陰證自汗。必身冷厥逆。經云。陰氣有餘。則多汗身寒。四逆湯
甚則加人參。○溫病誤服表藥。大汗出。煩渴不解。脈洪大者。白虎湯。○若傷濕則身重自汗。中暑則脈虛
自汗。中暈則煩渴自汗。濕溫則妄言足冷自汗。風溫則鼻鼾自汗。霍亂則吐利自汗。內傷勞倦。則氣口虛

大身熱自汗。柔痙則搐搦自汗。治法各詳總論中。○若發熱而利。大汗出。熱反盛。狂言不食。及汗出如油。喘而不休。汗出如珠。著身不流。柔汗發黃。環口黧黑者。皆不可治。

石頑治郭君升子。素孱弱。有失血證。五月間。患時行疫癘。壯熱昏憤。煩渴引飲。自汗如蒸。其脉時洪大。時減小。或用發散和解之劑。躁熱轉劇。不得已。懇治於余。用人參白虎調胃承氣。隨其脈之浮沉。邪之出入。相間而施。凡兩汗三下。所下皆黃水。至第四次。用黃龍湯。始得結糞五六枚。周身大汗。熱除而痊。若礙其體虛。而怯於攻擊。則邪熱彌熾。元氣日燠。烏能保有今日乎。

盜汗

盜汗者。睡卽澌澌然汗出。覺則止而不復出矣。蓋邪居於衛而欲入。睡卽衛氣行於裏。乘表中陽氣不綴。津液得泄。故但睡而汗出。覺則氣散於表而汗止矣。故雜病盜汗。責於陰虛血熱。傷寒盜汗。責在半表半裏。爲膽有熱。故專用小柴胡湯。若脈浮緊。潮熱盜汗。柴胡桂枝湯。經云。微盜汗出。反惡寒者。表未解也。○又陽明病。當作裏實。而脈微弦者。必盜汗出。○又三陽合病。目合則汗。熱病白虎湯。傷寒小柴胡湯。○溫病熱病得汗後。大熱除而盜汗出。及時疫下後。盜汗不止。身有微熱。俱宜小柴胡去參半加橘皮。

頭汗

三陰之經皆至頸胸中。獨三陽經上循於頭。故頭汗出身無汗。劑頸而還。乃陰陽不和。邪居表裏之間。故有是證。當以小柴胡湯和之。然瘀血發黃水氣三證。亦有頭汗。當以證辨之。蓋瘀血頭汗。則小便自利。大便色黑。發黃頭汗。則小便不利。發熱而渴。水氣頭汗。則胸滿喘欬。若半表半裏。則往來寒熱。亦有微惡寒。手足冷脉沉者。○大抵頭汗雖主少陽。然屬陽明濕熱。不得發越者最多。至若額上汗出。而腦後無汗者。定屬陽明無疑。○頭汗多有裏實證。故頭汗而脇下滿。大便堅者。大柴胡湯。頭汗譫語者。調胃承氣湯。○若頭汗而心下懊憹者。爲虛煩。梔子豉湯。○下血而譫語。頭上汗出。爲熱入血室。小柴胡去參加當歸。桃仁丹皮。○凡頭汗出。不得小便者。不治。經云。關格不通。不得尿。頭無汗者。可治。有汗者死。○濕家誤汗。額上汗出而喘。小便難。大便利者。爲陽脫。經云。濕家汗之。額上汗出。小便利者死。下利不止者亦死。以陰陽上下俱脫也。

孫兆治一人。頭汗手足冷。心下痞悶。大便秘。脈沉緊。或者見其四肢冷。又汗出煩悶。以爲陰結。孫曰。大便結。非虛結也。安得爲陰。按少陰多有自利者。今脈雖沉緊。不得爲少陰證。此在半表半裏。投以小柴胡湯而愈。此一段正是仲景議論處。意謂四肢逆冷。脈沉緊。腹滿。全似少陰。然大便鞭。頭汗出。不得爲少陰。蓋頭者。三陽同聚。若三陰經則至胸而還。今有頭汗出。是似陽虛。故曰汗出爲陽微。若少陰額上

冷汗。則爲陰毒矣。

手足腋股汗

手足汗出者。爲熱聚於胃。胃爲津液之府。以熱蘊於內。故津液旁達也。凡傷寒日晡潮熱。手足濇濇汗出者。爲胃實。若手足心腋下。濇濇然汗出者。爲兼少陽實熱也。大柴胡三承氣選用。然亦有屬胃中寒者。經云。陽明病。不能食。小便不利。手足濇濇然汗出者。此欲作固瘕。大便必初鞭後溏。此胃中虛冷。欲溏泄也。當知此汗必冷。宜用理中溫之。不可槩以爲胃熱也。

東垣治一人。腳膝痿弱。下尻臀皆冷。陰汗臊臭。精滑不固。脈沉數有力。爲火鬱於內。逼陰於外也。精氣不固者。髓中混以濕熱也。以小柴胡去參加茯苓。膽草。黃芩。苦寒。瀉之而愈。

煩熱

煩熱爲鬱悶不安。火熱不得發越之象。不經汗吐下而煩熱者。爲太陽表證。經曰。病人煩熱。汗出則解。如未作膈實。當和解而已。若心下滿而煩。則有吐下之殊。煩熱自汗而渴。屬陽明。煩熱脈弦喜嘔。或煩而不嘔。屬少陽。不可不辨。○汗下後。六七日不大便。小腹滿而煩。或胸中痛而煩熱喘逆者。爲有燥屎。大承氣湯急下之。○若四五日。鼻乾目瞑。脈數而煩者。爲欲衄。黃芩湯加柴葛枳桔。生地山梔清解之。○凡傷寒



六七日手足三部脈皆至大煩而口噤不能言其人躁擾者爲欲作汗解○差後虛煩不得眠竹葉石膏湯○差後得食而煩損穀則愈○有內傷勞役陰火動而時煩時靜不可誤認外感而施汗下也○凡服藥後煩悶不安頭面髮際遍身發癢者謂之藥煩此胃虛不能勝藥力也與熱薑湯徐徐呷之藥中宜加用生薑以行胃氣自安

煩躁

煩熱悉屬三陽煩躁則有陰陽之異蓋心熱則煩腎熱則躁煩者心膈愠怒如有所觸外不形現爲熱尙輕躁乃手足動掉若無所措內外不寧爲熱最劇○有太陽表證發熱頭痛惡寒不汗出而煩躁者大青龍湯○有太陽裏證渴欲飲水而煩躁及無熱但狂言煩躁者並宜五苓散○有表證罷而不大便煩躁者此陽明府實三承氣選用○有汗下不解而煩躁惡寒者此爲虛寒茯苓四逆湯○有脈數心煩而躁至夜不寧者爲血虛芍藥甘草湯○有晝日煩躁至夜安靜者爲陽虛乾薑附子湯○有誤用薑附而煩躁虛則升陽散火實則黃連解毒若躁極脈亂者勿治也○有少陰病吐利手足厥冷煩躁欲死者吳茱萸湯○有陰盛格陽脈沉細而疾渴欲飲水躁極悶亂者此水極似火也用霹靂散并以火熨之進熱藥而躁反甚此藥力未到不可遽用寒涼使陽氣益消則死宜再與熱藥協濟之○有溫病熱病時疫溫疫

表裏俱邪。三焦大熱。煩躁大渴者。白虎解毒涼膈雙解承氣三黃石膏選用。○有少陰病。六七日無大熱。或厥逆自利不得汗。脈沉數而煩躁者。黃連阿膠湯。○凡不經汗下而煩躁者。爲實。汗下後煩躁。爲虛。○結胸證悉具。而煩躁發熱。下利厥逆。而躁不得眠。少陰吐利躁煩。四肢惡寒。身踰脈不至。不煩而躁者。皆死證也。

節菴治一壯年。夏間勞役後。食冷物。夜臥遺精。遂發熱痞悶。至晚頭額時痛。兩足不溫。醫不知頭痛爲火熱上乘。足冷爲脾氣不下。誤認外感夾陰。而與五積汗之。則煩躁口乾。目赤便秘。明日便與承氣下之。但有黃水。身強如瘡。煩躁轉劇。腹脹喘急。舌胎黃黑。已六七日矣。診其脈六七至而弦勁。急以黃龍湯下黑物甚多。下後腹脹頓寬。躁熱頓減。但夜間仍熱。舌胎未盡。更與解毒湯合生脈散加地黃。二劑熱除。平調月餘而安。戈存橋治一人。大熱八九日。已經汗下而熱不退。煩躁目赤。拘急沉重。大脈洪盛。曰此熱在三焦。閉塞經絡。津液營衛不通也。以三黃石膏加辰砂末。連進三服而愈。喻嘉言治一人。傷寒六七日。身熱目赤。索水至前而不能飲。異常大躁。門牖洞啟。身臥地上。展轉不安。更欲入井。醫欲以承氣與之。診其脈洪大無倫。重按無力。此陽欲外脫。外顯假熱。內有真寒。敢以純陰之藥。重劫其陽乎。觀其得水不欲嘔。情已大露。而反可嘔。大黃芒硝乎。天地燠蒸。必有大雨。此證頃刻一身大汗。不

可救矣。於是以大劑人參薑附甘草煎成冷服。服後寒戰戛齒有聲。陽微之狀始著。以重綿和頭覆之。更與一劑。微汗熱退而安。

懊憹

傷寒表證誤下。正氣內虛。陽邪內陷。結於心胸之間。鬱悶不舒。輕則虛煩懊憹。重則痞滿結胸矣。邪在膈上。則宜吐。熱結胃府。則宜下。不可拘也。○發汗吐下後。虛煩不得眠。劇者必反覆顛倒。心中懊憹。與陽明病下之。其外有熱。手足溫而不結胸。心中懊憹。及舌上胎滑。飢不能食。頭汗出而懊憹。三者皆邪熱鬱於胸中。並宜梔子豉湯吐之。○下之後。心中懊憹而煩。為有燥屎。○下後短氣煩躁。膈中拒痛。心中懊憹者。為結胸。○陽明病。身熱無汗。口燥渴。大小便不利。心中懊憹。此為濕熱。必發黃。○溫熱病懊憹。為熱毒蘊於膈上。涼膈解毒選用。口燥呻吟錯語不得眠。五苓散合黃連解毒湯。

江應宿治傷寒十餘日。身熱無汗。怫鬱不得臥。非躁非煩。非寒非痛。時發一聲如歎息之狀。乃懊憹怫鬱證也。投以梔子豉湯吐之。治其懊憹。再以大柴胡下之。治其怫鬱而安。

身體痛

傷寒身疼脈浮。則為太陽表證。以寒氣襲於經絡之間。故惡寒無汗。而骨節煩疼也。必用麻黃湯辛熱發